



Tietoa vaaleista **vaalit.fi**

Ovdâskoddevaaljah 2019

Ovdâskoddevaaljah tuállojeh jyehi niäljád ive. Vaaljâin Suomâ aalmugjesâneh väljeje ovdâskoodán 200 aalmugovdâsteijed meridiđ mii ohtsijn aašijn.

Ive 2019 ovdâskoddevaaljah uárnejuvvoje pasepeeivi 14.4.2019.

Munejenâstem lii Suomâst 3.-9.4.2019 já olgoenâmijn 3.-6.4.2019.

Ovdâskode pargoh

Ovdâskode tehálumos pargo lii asâttiđ laavâid, moi miel ohtsâškode tuáimá.

Nubbe tehálâš ovdâskode pargo lii meridiđ staatâ budjetist.

Budjetist miäruštâleh,

ete kost staatâ finnee ruuđâid já moos kiävttá ruuđâid.

Ovdâskode meid kocá staatâ ruttâkevttim.

Ovdâskode väljee

staatâ haldâttâsân uáiviminister

já kocá haldâttâs tooimâ.

Toos lasseen ovdâskode meerrid,

ete mon uáivilist Suomâ staatâ lii

maangâin Euroop union aašijn.

Kii uážžu jienâstid?

Tun uážuh jienâstid ovdâskoddevaaljâin, jis

- tun lah Suomâ aalmugjeessân; já
- tun lah tiävdám 18 ihheed majemustáá 14.4.2019.

Jienâvuoigâdvuotâalmottâs puátá pááikán

Jis tust lii vuoigâdvuotâ jienâstid,

te tun finnih tast pááikán reevâ.

Reevâst lii jienâvuoigâdvuotâalmottâs,

mast lii tiätu tuu jienâstemsajeest valjâpeeivi.

Mieldi lii meid luvâttállâm munejienâstemsoojijn.

Kiäm tun puávtáh jienâstid?

Suomâ lii juohhum 13 valjâpirrâdâhân.

Jyehi valjâpirrâduvâst láá jieijâs iävtukkâsah.

Tun puávtáh jienâstid ulmuu,

kote lii iävtukkâssân ovdâskoddevaaljâin

tuu jieijâd valjâpirrâduvâst.

Tuu valjâpirrâdâh almottuvvoo jienâvuoigâdvuotâalmottâsâst.

Jyehi iävtukkâsâst lii jieijâs iävtukkâsnummeer.

Tuu jieijâd valjâpirrâduv iävtukkâsâi numerijd

tun kaavnah iärâsij lasseen jienâstemsoojijn.

Tiäđuid iävtukkâsâin tun finnih ovdâmerkkân loostâin,

televisiost já internetist.

Päikkijienâstem

Jis tun lah vaigâdâvt ruásmuttum

teikâ kuhesáigásávt pyeccee,

te tun puávtáh jienâstid muuneeld päihistâd.

Tun koolgah almottâttâđ päikkijienâstmân

2.4.2019 tijme 16 räi

tuu jieijâd kieldâ kuávdášvaljâlâvdikoodán.

Lävdikode puhelinnummeer lii jienâvuoigâdvuotâalmottâsâst.

Tun finnih lävdikoddeest meid

lasetiäđuid päikkijienâstmist.

Návt tun jienâstah muuneeld

Tun puávtáh jienâstid̄ ovdâskoddevaaljâin muuneeld
mon peri munejienâstemsaajeest
Suomâst tâi olgoenâmijn.

Vääldi jienâstmân fáárun persovnvuotâtuodâštus,
ovdâmerkkân passâ, persovnkorttâ tâi vyeijimkorttâ.

1. Čääiti persovnvuotâtuodâštus valjâvirgeulmui.
Virgeolmooš täärhist tom
já addel tunjin jienâstemliipu.
2. Moonâ jienâstemkoopin.
Čääli jienâstemliipun čielgâsávt
ton iävtukkâs nummeer, kiäm tun jienâstah.
Ele čääli jienâstemliipun
maiden eres.
3. Maaccâst jienâstemliipu kaskoo.
4. Maacâ valjâvirgeulmuu luus.
Sun stemppâlist jienâstemliipu
já addel tunjin ruškis valjâkooveert.
Piejâ jienâstemliipu kovertân
já lijmii kooveert kiddâ.
5. Valjâvirgeolmooš pivdá tuu
vuáláčäälliđ luámáttuv.
Vuáláčälimáin tun nonniih,
ete tun lah jieš tiävdám jienâstemliipu,
finnim toos stemppâl
já toppim tom kovertân.
6. Loopâst virgeolmooš tappa valjâkooveert
já luámáttuv fiskis vuolgâttâskovertân.

Tastmaņa ko tun lah jienâstâm, te tun puávtáh vyelgiđ munejienâstemsaajeest.

Návt tun jienâstah valjâpeeivi

Valjâpeeivi 14.4.2019 jienâstemsajeh láá ávus tijme 9-20.

Täärhist jienâvuoigâdvuotâalmottâsâst,

ete kost tuu jienâstemsaje lii.

Tun puávtáh jienâstiđ tuše ton jienâstemsaajeest,

mii lohá tuu jienâvuoigâdvuotâalmottâsâst.

Vääldi jienâstmân fáárun persovnvuotâtuodâštus,

ovdâmerkkân passâ, persovnkorttâ tâi vyeijimkorttâ.

1. Čääiti persovnvuotâtuodâštus valjâvirgeulmui.
Virgeolmooš täärhist tom
já addel tunjin jienâstemliipu.
2. Moonâ jienâstemkoopin.
Čääli jienâstemliipun čielgâsávt
ton iávtukkâs nummeer, kiäm tun jienâstah.
Ele čääli jienâstemliipun maiden eres.
3. Maaccâst jienâstemliipu kaskoo.
4. Maacâ valjâvirgeulmuu luus.
Sun stempâlist jienâstemliipu.
5. Kooččât tuu jienâstemliipu valjâuurnán.

Tastmaņa ko tun lah jienâstâm, te tun puávtáh vyelgiđ jienâstemsaajeest.

Kiäst tun finnih iše?

Valjâvirgeulmuuh rävvejeh tuu jienâstemsaajeest
munejienâstmist já valjâpeeivi.

Jienâstemsaajeest lii meid valjâišedeijee.

Tun puávtáh pivdeđ suu išán jienâstemkoopin,
jis tun jieš jieš paste tevdiđ jienâstemliipu.

Valjâišedeijen puáhtá toimâđ meid olmooš,
kiäm tun lah jieš valjim,
ovdâmerkkân perruujeessân tâi aldaolmooš.
Valjâišedeijee ij uážu kuittâg leđe
iävtukkâs tâi iävtukkâs aldaolmooš.
Valjâišedeijee ij uážu muštâliđ kiässán,
ete kiäm tun jienâstih.

Valjâsyeligâsvuotâ

Juáháš meerid jieš,
ete haalijd-uv sun jienâstiđ já kiäm jienâst.

Valjâsyeligâsvuotâ uáivild tom,
ete tun jieš taarbâš muštâliđ kiässán,
ete kiäm tun jienâstah.

Jienâst ovdâskoddevaaljâin!

Taan tiedettemčáállusist muštâlep čielgâkielân jienâstmist já ovdâskoddevaaljâin
2019.

Lase tiätu jienâstmist:

vaalit.fi

selkokeskus.fi

Riehtiministeriö

Selkokeskus